

Duzguk Caeuq Nyaenma

扶绥县中东镇中心小学142班 黄丹丹/ Vangz Danhdanh



Youq ndaw ndoengfaex hungmbwk he, miz sam duz nyaenma youh dwggyaez youh coengmingz, youq ndawde caemh miz duzguk yakrwix he caezyouq gizhaenx. Duzguk ciengzseiz cungj siengj gaeb gyoengq nyaenma gwn liux bae, hoeng, cungj mbouj miz gihvei. Miz ngoenz ndeu, duzguk yaek nyoengx hai aen dou ranz nyaenma, siengj bongh haeujbae gwn gyoengqde, cingq youq seizhaenx, duzguk deng gyoengq nyaenma fatyienh lo, duzguk deng moeb baenz daengx ndang youh nding youh ndaem, de cijndaej saemxsax buet baema lo.

Duzguk ndaw sim mbouj fug dahraix, de naemj bae naemj dauq, naemj baenz hwnz bae, cij naemj ndaej ok aen geiqmaez baenzlawz ndaej gwn gyoengq nyaenma he.

Ngoenz he haetromh, duzguk bae ra daengz lauxdaih nyaenma, de gangj: "Nyaenma daeggo, mwngz yawj, daengneih caeuq daegsam ngoenz—ngoenz cungj gangj vaihvah mwngz, caiqlix, gyoengqde baenzneix gik, ngoenzngoenz cungj mbouj guhhong siengj beg ndaej gwn. Mwngz mbouj raen gyoengqde dwgcaenz lwi?" Lauxdaih nyaenma dingq le, raen miz dauhleix, doiq gij vah duzguk saenqiriri bae.

Duzguk youh bae ra daengz lauxngeih caeuq lauxsam, doiq gyoengqde gangj gij vah doxdoengz

nei. Yienghneix, sam beixnuengx de heijdaez doxngeiz, boux mbouj leixlangh boux, doeklaeng, gyoengqde gag bae ra gijgwn lo. Duzguk raen miz gihvei lo, couh riengz laeng nyaenma lauxsam, baez coemj gvaqbae, dawz nyaenma lauxsam gyan roengz dungx bae. Duzguk gwn imq le, couh ngauzngwet ngauzngat baema lo.

Siusik gig vaiq couh cienz haeuj aen rwz song duz nyaenma lw roengzdaej bae, song duz de fwt singj hwnjdaej: Cungj gvaig swheij luenh dingq gij vahsek duzguk, couh hawj duzguk geiqmaez ndaej hengz. Song duz de gietdingh caiq doxgiet hwnjdaej, caez doiqfouq duzguk dwgcaenz neix.

Ngoenz daihngneih, song duz de youq ndaw ndoeng baijbouh haujlai aen cingj laeg, song duz de youq henz cingj byaij bae byaij dauq. Duzguk baez raen, sikhaek coemj hwnjbae, hoeng, youq baihnaj de miz aen cingj laeg he, nyaenma lauxdaih baez ndoj, duzguk couh doek roengz aen cingj laeg bae dai lo.

Song duz nyaenma neix couh daj ndaw cingj rag duzguk hwnjdaej, gyoengqde couh ndaej bang lauxsam bauqcaez lo.

Aen goj neix hawj raeuz rox, cijaeu caemhsim doxbang, couh guh ndaej engq ndei.

(lauxsae son' gyauq: Linz Meijgenh/林美娟)

Gamjsouh Sengmingh

上林县大丰镇中心学校四(2)班 Veiz Yinhdungz/韦欣彤

Gou ciengzciengz naemjngeix, gij eiqngeih sengmingh dwg gijmaz?

Ngoenz haenx, gou youq laj roq—ranz daxdaiq, raen miz rongz roeg ndeu, gou soengz hwnj gwnz daengq bae yawj rongz roeg dwggyaez neix, moix baez roegmeh gamz noh dauqma gueng gyoengq roegiq, gyoengq roegiq cungj dwg aj bak hunghung bae, iet hoz raezrangh heuh caca, lumj dwg naeuz: "Daxmeh, gou iek lo, vaiqdi gueng gou, vaigdi gueng gou." Roegmeh gueng le roegiq, cungj dwg yungh da sienhsoh dwk yawj gyoengq lwg de, lumj dwg gangj: "Menh di gwn, menh di gwn." seizhaenx, gou fwt siengj daengz, yienzlaiz eiqngeih sengmingh couh—dwg—baujhoh caeuq ndiepgyaez.

Gou youq ndaw gunghyenz yawraen haujlai va, gyoengqde hoenghhwd, vava loegloeg, geq mbouj ndaej liux, yienghceij fanh cien, hom heiq rangrwd. Gij va yinx daej haujlai duzmbaj caeuq duzrwi, duzrwi youq gwnz dujva gaenx guhhong, duzmbaj youq gwnz dujva diuqfoux, yawj daengz gij cingzgingj neix, gou mbouj rox yungh gijmaz sawcih daej raiz. Sawq—

mwh roxdaengz, eiqngeih sengmingh couh—dwg—hai ok gyaundeih.

Miz baez ndeu, gou buenx daxmeh bae genjcaz mizndang, guh genjcaz mizndang aeu haujlai mbaek, dang guh daengz mbaek heuhguh "B cauh", gou fatyienh gwnz dennauj yienjok ndaek doxgaiq ndaemndet ndeu ringx bae ringx dauq, gou gig geizgvaig dwk cam daxmeh: "Haenx dwg gijmaz doxgaiq ya?" "Dwg lwgnyez iq ya! Dwg daeg—nuengx mwngz roxnaeuz dahnuengx mwngz ya!" Daxmeh han dwk. Gou lumhlumh aen dungxhung daxmeh, aen dungxhung sawqmwh doengh mbat ndeu, gou gangj "Boux lwgnyez iq neix caen cabheiq ha!". Daxmeh riu lo. Yienzlaiz eiqngeih sengmingh dwg—gyau ciep.

Geizsaed, sengmingh couh—dwg—caizfouq, seiqgyaiq aenvih miz le sengmingh couh gyaundeih, hwng—hoengh. Sengmingh baezbae mbouj dauqma, lumj maxhau gvaqgeh, ndigah, raeuz aeu youq ndaw sengmingh mizhanh hwngfat gyaundeih.

(Lauxsae son' gyauq: Mungz Cwngzgen/蒙成建)



Naed Cehfaen Ndeu

Naed cehfaen ndeu ninz youq gyangnamh, sawqmwh de singj lo. De raen seiqhenz raeuj—rubrub, couh iet iet ndang.

De mizdi hozhawq, gwn gvaq di raemx le, de roxnyinh cwxcaih dangq—maz, couh iet iet ndang.

Rumzcin mbaeu—mbengq ci gvaqdaej.

Cehfaen cam duz—ndwen: "Singyiem neix dwg gijmaz?"

Duzndwen han: "Neix dwg rumzcin. De coi raeuz okbae, boemz youq gyang—namh haenx cungj aeu okbae."

"Baihrog dwg gijmaz yiengh?"

"Baihrog caeuq gizneix gig mbouj doengz, dwg aen biengz ronghsag ndeu."

"O, aen biengz ronghsag!" Cehfaen angq raixcaix, youh iet iet ndang.

Ndang cehfaen maj ndaej haujlai lo. De ngengq gyauej bae dingq, aen biengz baihrog caen nauhyied. Cawzliux rumzcin, lijmiz sing raemxmboq laecoco, sing duzroeg heuhcaca, sing lwgnyez riuhaa.

"A, gou aeu sikhaek okbae!" Cehfaen youh iet iet ndang, cij raen rongh lwenqda, de gaenq youq baihrog ronghsag lo.

De yawjyawj bonjfaenh, buh heuoiq, vaq hausak, dwggyaez dangqmaz. Caiq yawjyawj seiqhenz, gyoengq doengzdoi h cangndang lumj de yienghneix miz haujlai lo. Miz di naeuz: "Gou dwg ngoenzlwenz okdaej." Miz di naeuz: "Gou dwg ngoenzneix okdaej." Miz di naeuz: "Ngoenzcog lijmiz haujlai doengzdoi h okdaej ne."

De vaiqvued dangqmaz, ngamq daej aen biengz ronghsag neix, couh miz baenzlaiz doengzdoi h.

(Yez Swngdauz sij Ouh Caijfangh hoiz)

